

3 - KUEPA KUKUU



1

Siku Utakayo ingia Katika Kutokufa




2

Mary alikuwa amechoka. Lilikuwa juma lenye kazi nyingi sana. Maisha yake yalikuwa kama msukumo mmoja wa kimbunga cha shughuli. Huku akiendesha kutoka kwenye duka, alipiga kona toka kwenye barabara kuu akaingia katika kibarabara kidogo cha vumbi kilichoelekea nyumbani kwake.



3

Ghafla nyota yenye mkia ilionekana kama kumwagika kwenye anga katika hili giza la usiku. Nyota zilizokuwa zikirushwa tena kwa ung'avu ziliziangaza mbingu.



4

Kwa sababu ya kutozoea pia muonekano wa nyota katika mtindo huo, alikikanyaga zaidi kiongeza mwendo (accelerator). Mara ile aliwaza, Huu ni mwisho wa dunia! Kristo anakuja! Yote ninayohitaji ni kufika nyumbani na kuwa na mtoto wangu. Akizungumzia hili tukio baadaye, Mary alisema, Nilipoona mbingu ziking'aa hivyo, nilidhani Yesu alikuwa anakuja wakati ule ule.



5

Hivi umepata kufikiri kwa undani kwamba dunia itafikia mwisho siku moja? Kama umepata kuwaza hivyo, yawezekana umepata kujiuliza itaishaje. Je, nyota yenye mkia itamwaga vipande vyake kuashiria mwisho?



6

Baadhi ya watu wanafikiri dunia itafikia mwisho katika vita vya nyuklia - kwamba wanadamu watajiangamiza wenyewe na uhai wote duniani.

3 - KUEPA KUKUU



7

Wengine wanafikiria ya kwamba kutakuwa na mlipuko wa idadi ya wakazi wa dunia kwa kiasi kwamba dunia haitaweza kuhifadhi watu wengi kiasi hicho, kisha njaa kali kwa watu wengi itafuata.



8

Na bado wengine wanao wasiwasi ya kwamba labda siku moja kimondo au nyota yenye mkia itaigonga dunia na kuiangamiza.



9

Lakini je, wajua ya kwamba muda mrefu uliopita, Biblia ilitabiri bayana juu ya jinsi dunia itakavyokwisha? Na rafiki, habari njema ni kwamba jamii ya binadamu haitaangamia kwa sababu ya vita au njaa au hata kwa sababu ya kugongana na kiumbe kingine chochote angani.



10

Badala yake, Biblia yasema ya kwamba dunia itaisha kwa kuja kwa utukufu kwa Yesu Kristo hapa duniani! Atarejea kwa dunia hii aliyoiacha karibia miaka 2,000 iliyopita, na atarejea kuufikisha wakati mwisho wake na kuuleta umilele.



11

Inapendeza kugundua jinsi watu wanavyofikiri juu ya yale yatakayotokea wanapoulizwa kama wanafikiri kuja kwa Yesu kutakuwaje.



12


Ndiyo, rafiki, Mfalme Yesu anakuja upesi, na hakuna mashaka ya kuwa matatizo ya dunia hii yako juu zaidi ya uwezo wa kibinadamu - ya kwamba Kristo pekee na Baba yake wanao uwezo wa kunyoosha matatizo ya Sayari Dunia! Utakuwa mbaraka mzuri kiasi gani wakati Mfalme akija!

3 - KUEPA KUKUU



13

Wakati mtume Paulo alipokuwa mfungwa katika giza, gerezani Mammertine palipokuwa na unyevu nyevu, akisubiri muuaji aje kumkata kichwa, aliandika ya kwamba,



14

(Fungu: Tito 2:13)

Tukilitazamia tumaini lenye baraka na mafunuo ya utukufu wa Kristo Yesu, Mungu mkuu na Mwokozi wetu.

Tito 2:13.

Paulo aliandika hii barua ya kutia moyo kwa Tito, mwanae wa kweli katika imani, ili kumkumbusha Tito juu ya kuja kwa utukufu kwa Bwana wetu.



15

Kama unaona kwamba maisha yako yana usiku wenye giza la mambo ya kukatisha tamaa, tazama juu na kumbuka lile tumaini lenye baraka- kuja kwa mara ya pili kwa Kristo hapa duniani - hilo litanyoosha mambo!



16

Tukio linenwalo zaidi katika Agano Jipya ni la kuja kwa Kristo mara ya pili.

Karibu kila fungu katika mafungu 25 linalo jambo la kusema juu ya tukio hilo.

Kristo alitumia muda zaidi akinena juu ya tukio hilo kuliko somo lingine lolote katika Agano Jipya.

Yapo mafungu mawili katika Agano Jipya ambayo kila anayeiamini Biblia anapaswa kuyajua.



17

(Fungu: Yohana 3:16)

Pengine moja linalofahamika zaidi ni Yohana 3:16 ; Kwa Maana jinsi hii Mungu aliupenda ulimwengu hata akamtoa Mwana wake wa pekee, ili kila amwaminiye asipotee, bali awe na uzima wa milele.



18

ili kila amwaminiye asipotee bali awe na uzima wa milele.

Ya pili ni ahadi nzuri ya Yesu aliyoitoa muda mfupi kabla ya kusulubishwa kwake na kupaa:

3 - KUEPA KUKUU



19

(Fungu: Yohana 14:1)

Yesu aliwaambia, Msifadhaike mioyoni mwenu. Mwaminini Mungu, niaminini na mimi pia.



20

Nyumbani mwa Baba yangu mna makao mengi; la sivyo ningalikwisha waambieni. Sasa nakwenda kuwatayarishieni makao.



21

Na nikienda na kuwatayarishieni makao, nitarudi



22

na kuwachukua kwangu, ili nanyi muwepo nilipo mimi.

Yohana 14:1-3.



23

Kwa muda wa karne nyingi sasa, wakati wowote kukata tamaa, na matatizo, au mauti vinapowatisha wafuasi wa Kristo,



24


hii nyota ya tumaini - ahadi ya Kurudi kwake - imewaletea tumaini na uwezo wa kuvumilia. Wafuasi wa Yesu daima wametazamia kwa shauku utimilifu wa ahadi hii.



25

(Fungu: 2 Timotheo 4:7,8)

Baadaye katika maisha yake, mnyongaji akiwa si mbali sana toka alipokuwa Paulo, alitamka: Nimevipiga vita vilivyo vizuri, mwendo nimeumaliza, Imani nimeilinda;



26

baada ya hayo nimewekewa taji ya haki, ambayo Bwana , mhukumu mwenye haki,

3 - KUEPA KUKUU



27

atanipa siku ile; wala si mimi tu, bali na watu wote pia waliopenda kufunuliwa kwake.
2 Timotheo 4:7,8



28

Paulo aliweza kuukabili kwa ujasiri kabisa upanga wa muuaji katika siku ile ya hatima yake kwa sababu alikuwa na imani katika ahadi ya kurejea kwa Kristo!



29

Naam, Yesu ATArejea!
Na rafiki, ahadi ya Yesu kwa wanafunzi wake inatuhusu sisi wote.
Yesu atakuja!



30

Wakati wanafunzi walipouliza ni zipi dalili za kuja kwake na za mwisho wa dunia, Yesu alitoa kwa undani maelezo ya matukio yatakayochukua nafasi kabla ya kuja kwake.



31

(Fungu: Mathayo 24:4,5)
Hebu tulisome:
Yesu akawajibu, Jihadharini msije mkadanganywa na mtu. Maana wengi watatokea na kulitumia jina langu wakisema: 'Mimi ndiye Kristo,' nao watawapotosha watu wengi.



32

Maana wengi watatokea na kulitumia Jina langu, wakisema, 'Mimi ndiye Kristo' nao watawapotosha wengi.
Mathayo 24:4,5.
Katika fungu la 24, Yesu anafafanua swala hili.



33

Maana watatokea makristo wa uongo na manabii wa uongo. Watafanya ishara kubwa na maajabu ya kuweza kuwapotosha

3 - KUEPA KUKUU



34

ikiwezekana hata wateule wa Mungu.



35

Kama hatujui kutofautisha - jinsi ya kutambua kilicho bandia - twaweza kujiunga na mlaghai, tukidhani yeye ni Kristo! Yesu alionya ya kwamba itatokea! Na hakua anazungumzia juu ya viuongo uongo vidogo vidogo vichache.



36

Ni wazi alikuwa akizungumza juu ya miigo ya ajabu ya nafsi fulani, iliyopangwa vema na kwa ustadi na kutekelezwa kiasi kwamba karibu dunia nzima itadanganyika! Unaona, hawa walaghai watatenda miujiza - kuponya wagonjwa na kutoa vielelezo vinavyozidi akili za kibinadamu kuelewa ili tu kuunga mkono madai yao!



37

Hatutakosea kuja halisi kwa Kristo! Hakuna ambaye angefanya hilo. Lakini tungeweza kuchukuliwa na Kristo bandia na kudanganywa kabla ya kuonekana kwa Kristo!

Tafakari juu ya hili.



38

Mwovu atawatumia ma kristo wa uongo na manabii wa uongo ili kujaribu kuchanganya watu juu ya kuja mara ya pili.



39

(Fungu: 2 Wakorintho 11:13,14)

Maana, hao ni mitume wa uongo, watendao kazi kwa hila wanojigeuza kuwa mitume wa Kristo.

3 - KUEPA KUKUU



40

Wala si ajabu! Maana hata shetani mwenyewe hujigeuza kuwa mfano wa malaika wa nuru! 2 Wakorintho 11:13,14.

Mwovu atadiriki kujibadilisha mwenyewe na kufanya onyesho la kuja kwa bandia kwa Yesu.



41

Kila mara yupo anayeibuka mahali fulani akidai kuwa Kristo.

Wanaweza kuvaa mavazi kama yale watu wanayofikiria kwamba Yesu aliyavaa.

Wananena kwa sauti ya wema, na tamu.

Wananukuu mafungu kwa wingi.

Wanaonekana kuwa na hekima sana.

Baadhi yao wanavutia ufuasi wa watu wengi sana wanaoamini ya kwamba Kristo amekuja duniani tena.

Lakini hakuna kati ya watu hawa aliye Kristo.

Twaweza kukwambia hilo kwa uhakika kamili.

Na kwa nini?

Mtu wa namna hiyo aweza onekana kama ambavyo ungemtegemea Yesu aonekane.

Aweza nena kama jinsi ambavyo ungemtegemea Yesu anene.



42

Anaweza aponye watu na kufanya ishara kuu na maajabu, na jaribu laweza kuwa kubwa kiasi cha kuwa na wasi wasi na kile Biblia isemacho. Ila hatupaswi kuamini fahamu zetu - kile tusikiacho, tuonacho, na tujisikiavyo!



43

Kuna muongozo mmoja tu ulio salama usaidiao kutambua kama mhusika ndiye kweli ama ni mlaghai - Biblia.



44

Hebu tutafakari dalili chache au vielelezo vilivyo pekee vihusavyo kuja kwa Kristo mara ya pili ili tusije tukadanganywa!

3 - KUEPA KUKUU



45

Kuja kwa Kristo Mara ya Pili ni Kuja Kuliko Dhahiri



46

(Fungu: Mathayo 24:27)

maana, kama vile umeme utokavyo mashariki ukaonekana magharibi, hivyo ndivyo kutakavyokuwa kuja kwake Mwana wa Adamu.

Mathayo 24:27.

Kwa kweli, katika Ufunuo 1:7 tunasoma,



47

(Fungu: Ufunuo 1:7)

Tazama, yujaja na mawingu; na kila jicho litamwona.....



48

Walaghai waweza tokea hapa na pale, lakini hakuna mmoja wao awezaye kuja katika mawingu ya mbinguni kwa namna ambayo kila jicho litamwona.



49

Baada ya Yesu kumaliza kazi yake hapa duniani, alikuwa tayari kupaa kwenda mbinguni.



50


Aliwachukua wafuasi wake wa karibu nje hadi katika Mlima wa Mizeituni, na baada ya kuwaelekeza wanafunzi wake na kuwaaga, ghafla akachukuliwa kwenda mbinguni.



51

Hebu tutambue kile Biblia inachokisema juu ya hili tukio.

3 - KUEPA KUKUU



52

(Fungu: Matendo 1:9-11)

Akiisha kusema hayo, walipokuwa wakitazama, akainuliwa, wingu likampokea kutoka machoni pao.




53

Walipokuwa wakikaza macho mbinguni, yeye alipokuwa akienda zake, tazama, watu wawili wakasimama karibu nao, wenye nguo nyeupe,



54

wakasema, 'Enyi watu wa Galilaya, mbona mmesimama mkitazama mbinguni,



55

Huyu Yesu aliyechukuliwa kutoka kwenu kwenda juu mbinguni, atakuja jinsi iyo hiyo mlivyomwona akienda zake mbinguni.'

Matendo 1:9 - 11.



56

Malaika wawili kutoka kwa Mungu walikuwa wamekuja kuwahakikishia wanafunzi ya kwamba ile ahadi Yesu aliyowapa ingetimia.

Yesu alikuwa amesema wazi kile ambacho WANGEKIONA:



57

(Fungu: Luka 21:27)

Halafu, watamwona Mwana wa Adamu akija katika wingu, mwenye nguvu na utukufu mwingi. Luka 21:27.



58

Hakuna atakayehitaji kukutaarifu wakati Yesu akija. Utamwona akija mawinguni. Lakini zipo ishara zingine ambazo mwovu hawezi kuziiga. Kristo hatatokea tu ghafla mahali fulani porini au toka kwa chombo fulani kitokacho angani.

3 - KUEPA KUKUU



59

Yesu Hatakuja Tena Peke Yake - Litakuwa Tukio La Utukufu !



60

(Fungu: Mathayo 25:31)

Yesu alisema, Wakati Mwana wa Adamu atakapokuja katika utukufu wake na malaika wote wakiwa pamoja naye, ndipo ataketi juu ya kiti chake cha enzi kitukufu.

Mathayo 25:31.



61

(Fungu: Mathayo 24:31)

Kwa nini Yesu analeta malaika pamoja naye? Anatoa jibu: Naye atawatuma malaika wake wenye tarumbeta la kuvuma sana,



62

Nao watawakusanya wateule wake kutoka pande zote nne za dunia, toka mwisho huu wa mbingu hadi mwisho huu.

Mathayo 24:31.



63

Ndiyo Yesu atasindikizwa na malaika watakatifu - wakijaza anga na utukufu usioelezeka.

Sasa wajua kwa nini watu hawa wajiitao kuwa Kristo hawawezi kuwa yeye!

Wangukuwa na wakati mgumu wa kujaribu kuiga marejeo ya Yesu!

Hakuna awezaye!

Lakini yapo matukio zaidi yahusianayo na kuja kwa Yesu.



64

Kutakuwa Kuja Kwenye Kusikika kwa Mshindo - na Watakatifu Waliokufa Watafufuliwa Toka kwa Wafu

3 - KUEPA KUKUU



65

(Fungu: 1 Wathesalonike 4:16)
Kwa sababu Bwana mwenyewe atashuka kutoka mbinguni pamoja na mwaliko, na sauti ya malaika mkuu.



66

na parapanda ya Mungu....nao waliokufa katika Kristo watafufuliwa kwanza.
1 Wathesalonike 4:16.



Hivyo je, unaona, kuja kwa Kristo hakutakuwa tu kuonekanako dhahiri bali pia kutasikika - kila mmoja atasikia.
Mwito wa Mungu utapenya kiasi ambacho pamoja na sauti ya tarumbeta, wafu waliokufa katika Kristo watafufuliwa na kutoka katika makaburi yao.



Je waweza kufikiria furaha itakayo kuwepo wakati makaburi yatakapofunguka na familia zitakapoungana?




Je, waona jinsi itakavyokuwa vigumu kwa Shetani kuiga kuja halisi kwa Kristo?



70


Kuna habari nzuri zaidi!
Tambua kinachotokea kwa wenye haki walio hai wakati Kristo ajapo mara ya pili:



71

(Fungu: 1 Wathesalonike 4:17)
Kisha sisi tulio hai, tulio salia, tutanyakuliwa pamoja nao katika mawingu, ili tumlaki Bwana hewani;

3 - KUEPA KUKUU




72

na hivyo tutakuwa pamoja na Bwana milele.
1 Wathesalonike 4:17.



73

Wafuasi waaminifu wa Yesu wananyakuliwa pamoja na waliofufuliwa kumlaki Bwana hewani.
Litakuwa unganiko la furaha kiasi gani kwa familia nyingi.



74

Paulo anatufafanulia kwa undani zaidi juu ya kile kitakachotokea Yesu akija:



75

(Fungu: 1 Wakorintho 15:51 - 53)
Angalieni, nawaambia ninyi siri;....sote tutabadilika,



76

kwa dakika moja, kufumba na kufumbua, wakati wa parapanda ya mwisho, maana parapanda italia,



77

na wafu watafufuliwa, wasiwe na uharibifu, nasi tutabadilika.



78

Maana sharti huu uharibikao uvae kutokuharibika, nao huu wa kufa uvae kutokufa.
1 Wakorintho 15:51-53.



79

Mungu atampatia kila mfuasi wa Yesu karama Yake ya upendo - uzima wa milele.
Karama zingine zote hazina maana bila ya karama hii ya kutokufa.

3 - KUEPA KUKUU



80

(Fungu: Wafilipi 3:20, 21)

Na kuna kitu kingine ambacho Mungu atawapatia watu wake:

.....Tunamtazamia Mwokozi, Bwana Yesu Kristo;



81

atakayeubadili mwili wetu wa unyonge, upate kufanana na mwili wake wa utukufu, Wafilipi 3:20,21.

Mwili kama wa Kristo.

Hakuna tena maumivu kuugua - au ugonjwa.

Ni habari ipi ingelipendwa zaidi ya hii?



82

Kuna kundi jingine la watu. Kuja kwa mara ya pili haitakuwa habari njema kwao. Sikiliza Biblia inavyoelezea matukio ya mwisho ya kutisha ya historia ya dunia.



83


(Fungu: Ufunuo 6: 14-17)

Mbingu zikaondolewa kama ukurasa ulivyokunjwa;



84

na kila mlina na kisiwa kikahamishwa kutoka mahali pake.



85


Na wafalme wa dunia, na wakuu, na majemadari, na matajiri, na wenye nguvu, na kila mtumwa, na mwungwana,



86

wakajificha katika pango na chini ya miamba ya milima;

3 - KUEPA KUKUU



87

wakiiambia milima na miamba,
Tuangukieni, tusitirini mbele za uso wake yeye
aketiye juu ya kiti cha enzi,



88

Kwa maana siku iliyo kuu, ya hasira yake, imekuja;
naye ni nani awezaye kusimama?
Ufunuo 6:14-17.



89

(Fungu: Ufunuo 16:18)
Pakawa na umeme, na sauti na radi na palikuwa na
tetemeko la nchi kubwa



90

ambalo tangu wanadamu kuwako juu ya nchi
hapakuwa namna ile jinsi lilivyokuwa kubwa
tetemeko lile. Ufunuo 16:18.



91

Tetemeko hili litabomoa majiji ya dunia.
Hakuna awezaye kukosa tetemeko kama hili
linapoashiria kuja kwa Kristo!



92


Yesu alionya ya kwamba kuja Kwake kutakuwa
katika wakati ambao hakuna anayetarajia.
Alisema pia ya kwamba watu watakuwa
wakihangaika kupoteza maisha yao katika anasa za
kipumbavu.



93

(Fungu: Mathayo 24:30)
Katika Mathayo 24:30, tunaambiwa ya kwamba
wakati Yesu atakapokuja, ..mataifa yote ya
ulimwengu wata...omboleza...

3 - KUEPA KUKUU




94

Hiki ndicho Yesu alichosema kingetokea kwa wale wasiokuwa tayari kwa ajili ya siku ile!
Wanapotea-na wanajua!
Ni picha ya huzuni kiasi gani, na hali ingeweza kuwa vingine.
Rafiki, siku ile itakuwa ya kweli!
Hakutakuwa na kuamka toka usingizini na kukuta kwamba ilikuwa ndoto tu - la!



95

Hakuna lililo la muhimu duniani zaidi ya kuwa tayari kumlaki Yesu atakapokuja.
Inashangaza jinsi zilivyo dhaifu hazina za dunia tunazozithamini sana!
Tetemeko moja tu, vyote vitakwisha!



96

(Luka 21:36)
Basi, kesheni ninyi kila wakati, mkiomba, ili mpate kuokoka katika haya yote yatakayotokea,



97

na kusimama mbele za Mwana wa Adamu.
Luka 21:36



98

(Yesu anakuja tena)
Hebu tufanye mapitio ya haraka ya yale ambayo tumejifunza pamoja katika Biblia:



99


Manabii wa Uongo na makristo watajaribu kudanganya kila mtu.



100

Mwovu atatokea kama malaika wa nuru.

3 - KUEPA KUKUU




101

Kuja kwa mara ya pili hakutakuwa siri.




102

Kila jicho litamwona Yesu akija.



103

Malaika watakatifu wote watakuja pamoja na Yesu.




104

Atakuja na sauti ya parapanda.




105

Atakuja na sauti ya Malaika Mkuu.




106

Waliokufa wakiwa wenye haki watafufuliwa.



107

Wenye haki watakaokutwa hai watabadilishwa bila kuonja mauti.



108

Wenye haki wote watapewa kutokufa.

3 - KUEPA KUKUU



109

Wasiomcha Mungu wote duniani wataomboleza watakapomuona Yesu.



110

Tetemeko kuu litaiangamiza dunia.



111

Waliopotea wote watauawa.




112

Nusu haijaelezwa, wala kalamu ya mwanadamu haijachora, wala mawazo hayajaelewa uzuri na utukufu wa kuja kwa fahari kwa Kristo mara ya pili! Lakini tungependa kushirikiana nanyi jinsi ambavyo waandishi na wasanii wanavyopiga picha mawazoni mwao na kuieleleza juu ya kuja kwa Yesu-kutakuwaje-na jinsi mawazo yanavyoiweka picha kulingana na jinsi Biblia inavyoeleza.




113

Katika wakati ambapo hakuna atakayetarajia, Yesu atarejea! Sauti ya Mungu, kama mvumo wa radi, inaenea duniani kote ikitangaza siku na saa ya kuja kwa Mwana wake.



114

Mbingu zinakunjwa kama karatasi, nchi inatetemeka mbele zake, na kila mlima na kisiwa vinasogezwa toka mahali pake.



115

Mara kunatokea upande wa mashariki wingu dogo jeusi, kama nusu ya mkono wa mtu.

3 - KUEPA KUKUU



116

Lile wingu likaribiapo zaidi na dunia linang'aa zaidi na zaidi na linaonekana na utukufu zaidi hadi lilipokuwa wingu kubwa likiwa na upinde kama wa mvua juu yake. Hali wakiwa kimya watu wa Mungu wanatazama hili tukio, na kuduwaa. Linaduwaza!



117

Anga limejazwa na sura zenye kung'aa kwa nuru, elfu kumi mara elfu kumi, na maelfu ya maelfu ya malaika wakimzunguka Yesu akiwa kwenye kiti chake cha enzi!



118

Uzuri wake wote unazifunika mbingu na walipokaribia zaidi na dunia, 'kila jicho' linamuona Mfalme anayekuja! Hakuna taji ya miiba inayokiharibu kile kichwa kitakatifu, lakini taji ya utukufu imetulia katika kipaji chake kitakatifu. Na katika vazi lake na katika paja lake jina limeandikwa, 'Mfalme wa wafalme na Bwana wa mabwana.'



119

Na wafalme wa dunia, na watu wakuu, na matajiri, na mabaharia wakuu, na wakuu kati ya watu, na kila mtumwa na kila aliye huru, walililia miamba na milima iwaangukie na iwafiche mbali na uwepo wa Mwana-Kondoo.



120

Wale waliowatesa na kuwaua watu wa Mungu na wale waliomkejeli na kumkataa Kristo kuwa ni Mwana wa Mungu, waliopaza sauti, waliopaza sauti, 'Msulubishe! Msulubishe!' wameinuliwa ili wasimame mbele za Yesu. Mioyo yao inayeyuka, magoti yao yanagongana, na kwa sauti ya kuogofya sana, katika kilio cha kukata tamaa wanaita,



121

'YEYE NI MWANA WA MUNGU. NDIYE MASIHI WA KWELI.'

3 - KUEPA KUKUU



122

Sasa, wanamtazama Yeye katika utukufu wake wote, na bado hawajamuona Yeye akiwa ameketi katika mkono wa kuume wa Mamlaka.



123

Wale waliodhihaki dai lake kuwa Mwana wa Mungu wameduwaa.

Pale yupo Herode mwenye majivuno aliyecheke cheo chake cha kifalme na kuwaamuru askari wenye kudhihaki wamuwekee taji Yesu kama mfalme.



124

Pale wapo watu wale ambao kwa mikono yao yenye kufuru waliweka juu ya mwili wake lile vazi la zambarau, na juu ya kichwa chake taji ya miiba, na katika mkono wake usio na ugomvi fimbo ya kifalme ya kejeli, na ndiyo walioinama mbele zake kwa mzaha wenye kufuru.



125

Watu waliompiga na kumtemea mate Mfalme wa Uzima sasa wanageuka toka katika macho yake yapenyayo na wanatafuta kutoroka toka kwa utukufu wenye nguvu kuliko zote wa uwepo wake.



126

Wale waliomchoma misumari katika mikono yake na miguu yake, askari waliomchoma ubavuni mwake, wanatazama alama hizi kwa hofu na majuto. Kwa uwazi wa kutisha makuhani na watawala wanakumbuka matukio ya Kalvari. Huku wakitetemeka kwa hofu kubwa wanakumbuka sasa, wakitingisha vichwa vyao kwa mzaha wa kishetani walitamka kwa sauti: 'Aliwaokoa wengine; Yeye Mwenyewe Hawezi Kujiokoa.'



127

Kama kweli Yeye ni Mfalme wa Israeli, na ashuke sasa toka msalabani, nasi tutamwamini. Alimwamini Mungu; hebu na amuokoe sasa kama anamtaka.'

3 - KUEPA KUKUU



128

Wale ambao wangemuangamiza Kristo na watu wake waaminifu sasa wanashuhudia utukufu unaowaangukia. Katikati ya tisho lao wanasikia sauti ya watakatifu wakipaza sauti kwa furaha na kusema,



129

(Fungu: Isaya 25:9)
'.....Tazama, huyu ndiye Mungu wetu; Ndiye tuliyemngoja naye atatuokoa.'



130

Kati ya kulewa lewa kwa dunia, miali ya radi, na ngurumo za radi, sauti ya Mwana wa Mungu inaita watakatifu waliolala.

Anatazama makaburi ya wenye haki, kisha, akiinua mikono Yake kuelekea mbinguni, Anapaza sauti yake: 'Amkeni, amkeni, amkeni, ninyi mlalao katika mavumbi, na muondoke!'



131

Katika dunia nzima wafu wataisikia sauti yake, na wale watakaoisikia wataishi. Na dunia nzima itavuma kwa mshindo wa jeshi kubwa la ajabu la kila taifa, kabila, lugha na jamaa.



132

Kutoka katika nyumba ya gereza la wafu wanakuja, wakiwa wamevikwa na utukufu usiokoma, wanapaza sauti zao: 'Ewe mauti U wapi uchungu wako? Ewe kaburi, u wapi ushindi wako?'

Na wenye haki walio hai na watakatifu walio hai sauti zao zinaungana katika sauti kubwa ndefu ya shangwe ya ushindi. Dosari zote na ulemavu vimeachwa kaburini. Ah, ukombozi wa ajabu! Ulionenwa kwa muda mrefu, umetarajiwa kwa muda mrefu, umetafakariwa na matarajio yaliyo na shauku, lakini haukueleweka kikamilifu.



133

Watakatifu walio hai wanabadilishwa 'kwa sekunde moja, kufumba na kufumbua.' Sauti ya Mungu iliposikika walitukuzwa; sasa wanavishwa kutokufa na pamoja na watakatifu walio fufuliwa wananyakuliwa juu kumlaki Bwana wao hewani.

3 - KUEPA KUKUU



134

Malaika wanakusanya watakatifu wake toka pande nne za dunia, toka mwisho mmoja wa mbingu hadi mwingine. Watoto wadogo wanabebwa na malaika watakatifu na kupelekwa hadi kwa mikono ya mama zao.



135

Marafiki waliotengana kwa muda mrefu kwa sababu ya mauti wanaungana, wasiachane tena, na huku wakiimba nyimbo za furaha wanapaa juu kwa pamoja kwenda kwa Jiji la Mungu.



136

Na wanapopaa kwenda mbinguni msafara mkubwa wa malaika unapaza sauti, 'Mtakatifu, Mtakatifu, Mtakatifu, Bwana Mungu Mwenye Enzi.' Na waliokombolewa wanashangilia, 'Haleluya' wanapoendelea kusonga kulielekea Jiji Takatifu.



137

Kabla ya kuliingia Jiji Takatifu, Mwokozi anawapatia wafuasi wake vielelezo vya ushindi na kuwavisha nembo zenye hadhi ya ufalme wao. Umati huu wote ulio mkubwa wa waliokombolewa kila jicho linatazama utukufu wake ambaye' sura yake iliharibiwa kuliko mtu yeyote, na umbo lake zaidi ya wana wa watu.'



138

Juu ya vichwa vya washindi, Yesu mwenyewe kwa mkono wake wa kuume anaweka taji ya utukufu. Kwa kila mmoja kuna taji yenye jina lake 'jina jipya' na maandishi 'Utakatifu kwa Bwana.' Furaha isiyoelezeka inajaza kila moyo, na kila sauti inainuliwa kwa ajili ya sifa ya shukrani.

3 - KUEPA KUKUU



139

Mbele za umati huu uliobadilishwa, ni Jiji Takatifu. Yesu anafungua wazi malango ya lulu, na mataifa ambayo yameshika amri na kuwa na subira ya Yesu yanaingia.

Pale wanashuhudia Paradiso ya Mungu, nyumba ya Adamu kabla hajatenda dhambi.

Kisha ile sauti, iliyo tamu kuliko muziki wowote uliopata ingia masikioni mwa sikio linalokufa, inasikika ikisema: 'Pambano lenu limekwisha.'



140

(Fungu: Mathayo 25:34)

'Njoni, mliobarikiwa na Baba yangu, urithini ufalme mliowekewa tayari tangu kuumbwa ulimwengu;' Mathayo 25:34.



141

Hili ni tumaini letu. Hii ni hatima yetu. Haya ni maisha yetu yajayo.

Twaweza kuishi na Kristo mbinguni milele.

Tukiukosa umilele, tumekosa kila kitu.

Tukiikosa mbingu, tumekosa kila kitu.

Kama hatukujiandaa kwa ajili ya kuja kwa Kristo karibuni sana, tutalikosa tukio kubwa kuliko yote katika historia ya karne zote.

Yesu anasema .. Njoo upate msamaha.

Njoo upate rehema.

Njoo upate nguvu za kushinda dhambi zako.

Njoo upate umilele.

Njoo uingie kwenye ufalme wangu.

Je, utasema ndiyo kwa mwito wake sasa hivi?

Kama unatamani kuishi kwenye ufalme wake milele, simama sasa hivi tunaposali.